

S.T. Rand
Califac 888.
1G3187 41475

“UKTŪLOOWĀWOODEEL ABĪKSĪLTĀSĪGŪL.”

“THY SINS ARE FORGIVEN THEE.”

“Wēlāāk na cheenūm tan ootūloowāwoodeel abīksīktās-igul.”

Nīgūmaach tilea' mogwā' nēnooloo ūsedāālūme 'npebane-moolīn' nāooktāchk' pebanīmtīmīkāwā'. Nadoo kogooā' tū kesetūlaloolesōk' ūktūlepoogwēle-wōōledaasīn stūgā' ēdook' ūkakeikchijedoon' ūktūloowāwoodeel ootabīksīktāsīnū ? stūgā' ūknoodūmūn wēg'ūla kūlooswōk'ūnūl, “ Keel uktūloowāwoodeel abīksīktās'igūl ? ” Meamooch' keel ūktūloowāwoodeel, 'msīt ūktūloowāwoodeel ; nēgūla tanūl tūlāāl ūkmemajooōkūn īktook, ūkloogowōkūn īktook, ūkamlamčōnk, ak ūktaledas-wōkūnk tūlāāl, msīt ootabīksīktāsīn. Kesetūleāk' wēgūla īgūnūmagwēmīkāwāāl keel ootālegēmīk ?

Oola' oosītkūmooe-pūmowsīmk tēgwōkjechk, na' kadoo āpchepūmowsīmk āpchooāwā na' ; ma āpchoo kakayanook. Kadoo tame tēt tūlūgātūks' kesīnpūn' ? Meamooch' wēlik-chijedoon' ; ētūlūgātūks' wasōk kūсна' mūndooagīk ? Tādoo-je-pakūleiooōkūnīk na ankedaaswōkūn ? wegoopchīk, meamooch' wegoopchīk, ehtūks āpche-oolōd' īktook, kūсна' āpchewōōnmājōdīk mūndooagīgū. Mogwā kogooā' āh'tūnook tan ājetūleāk' moo ēnkoodā wēg'ūla. Keel ūkat' ēpsītkwadāsīk tū padaswōkūnā' owhtik ? Pāāl ; ānkodāān āpchāt-lūgaasīn chīptook' neseēdūks' kakeiskwiskadākūn īktook mūndooaagīgū !

Cadoo ankaptūmanēch' oola' āgūnoodūmākūn ētleāgūn-oodāsīk, Luke v. 18-26. “ Ak ēdū cheenūmook' pēgesoola'-

dijül cheenümoöl' tēppilijül 'npogün iktook, tanül wisküsilijül, pölse mätünüch." "Sāsoos ālājül cheenümoöl, cheenüm, üktüloowāwoodeel abiksiktās'igül."

Cogooā' kesadōksūp oola cheenüm, tēledasīn, tanül Sāsoos ālājül wēgūla pakūleiooōkūnāal kūlooswōk'ünül—" üktüloowāwoodeel abiksiktās'igül?" Na pakūleiooōkūnedāādüm! mūdū mogwā' kogooā' kesadoogūp; wēsāmīksenookwōp ookesetūladēgēn' tan pasūk kogooā'. Māsepūmēčp', masīk-ūmīp'; wējepūmaloot nāooelīb'üne cheenümoō', ak nesadoodip 'npōgün tan ūksenoogowenool, tēppilich'."

Na wējenāpkāk'ünik tan tēloltēdich 'msūt' memajooenook'. Wējiksencogoodijik ūloowāwood' iktook. Tēlemūnākūnaa-dijik chēl māsetūladoodich tan pasūk kogooā' kēloolk', tan Nīkskam wēledātk'. Māsepūmedaajik sābāwoodeā' owhteū, kūсна' chēl māsekūmooltijik nadāālū.

Na oola' tēleāk', nīgūmach', oochīt' keel; na tēleāk' oochīt' neen, ak oochīt' 'msit. "Mūdū 'msit kese padadaka-dijik." "Mogwā' estooōlteekw." Uloowāwoodeā' pölse kakeīmätünoolkw', 'msit tan tēlkeek tan tēloolteekwū; wējīm-chegolteekw ūloowāwood' iktook tan tēlkeek ūktenēnākū.

Tokoo nesalaadijül cheenümoöl mēgweīk ētlemoweēlich' ooskalook Sāsoosül" kweīk ookwōtkū. Kadoo, keel, nīgūmaach, ēdook nesaalookseesūp? 'Msit tan tāsīt wēn tan wējuhsūtaloosich Nīkskamāwā' igūnūmagwēmāwā' iktook, kesenesaaloosīp, meamooch' „e-pūme-pegwēle-nesaloosīp: meamooch' seowu' nesaaloosīt; ak seowu tan tīlesīp nadoo wēn tēledāālsīt ootābeān' tan tēlenesaaloosich, Nīkskam owoonā' tēledāātk mäch oowōōdūmedāādūmūlin oonesaalook-sin māāchū.

Alt nesalooksooltijik bēnokedāālsood iktook wīskuū; ak wājeesooltijik tan tēlīksūgalooksoolteedīju; ak egadāsooltijik wējooow' Sāsoo Gooleül ookwōtkū, ak tēlīnkūseu wēstaloosooltijik. Kadoo ūktūgik estooōltijik tan tēlaloosoolteedichū,

pěgejepūmenesalooksooltijik āskw moo ějigūledādūmeedīkw
sābāwedāālsodeā' oomūdeskooōkūnūmooōl'. Cadoo nesa-
looksooltimk' wějooow' Sāsoo Goole ookwōtkū, wōōnmājedas-
wōkūn īktook oochit' ūloowāwoode, ak noodūmooch' Nīkskam
Ookwīsul ookūlooswōk'ūnūl telooēgūl : " Uktūloowāwoodeel
abīksīktāsīgūl," ūktlāmsūtōoe, kedlāwāewōōladākūn na.

Nīgūmach, tan oola' weegād'īgūn ēgedūmūn, kesīpkeso-
koosīn, tū Sāsoo Goole ookwōtk' ? Kesenoodūmooksīn
ūkūjejesīn tan tēlīksūgan', tan tēlemāseabogūnūmāsīn ?
tan tēlīpkwōdoon mūndooagīgāwā' wōōnmājeilsoodākūn ?
Cāā ! āpch pebanemoolap, kesetūlalookseesūp ? Pāāl ! jīk-
sūtāān ! Tālekūloolājūl Sāsoos wēgēt āoolājīlījūl cheenūmool ?
Mogwā' tēlemagool ootūladoon nadoo kogooā' tan oochuh-
sūtās'. Mogwā' tēlooēkw : " Pasūk kechka keel ājeoolāin
neen kesīnsaloolīk ; Mogwā' tēlemagōōl ; " kesepūmeēn'
kechka, kūсна' keseabankūd'ūmān kechka', kūсна' kesīp-
kwōdoon 'nnūsaloollīn', kesīnsalool, ak meamooch' nūsalooll-
tēs'." Mogwā' tēbloomagool ootūloowedūmāsīn ookoodooe-
tūladēgēlīn' kogooāū. Mogwā', O Sāsoo Goole ! Mowweāole-
dāādegēn' ! mowwewoolmūdoon' ! mowenadooōdegēn' ! mūnaa
tēlemowt āoolājīt padatēgāwenoo wēgūla kūlooswōkūnūl.
Mogwā' keel ua tēlāuūn ; na tūleak'sūbūn, mogwā' wēlaltīm-
kāwāenoosōk'.

Ageī ! tālepoogwēlepīlsimkīk keel, O Sāsoo Goole ! tan
nooje-abīksīktooēn' ! Tūmk Sāsoos oola' cheenūmool abīk-
sīktoōōjūl, tokoo toochoo mūlgīgūn'ōde igūnūmooōch, oopūm-
eēlīnū. Ak māch nūgāā tūmk abīksīktooēt' ak tokoo tochoo
igūnūmoolkw mūlgīgūnōde ūkpūmedanēnoo nīkskamāwā
kookwōjadākūn īktook ooskalook Nīkskam. Moo tū nūt
ansūma' tan āoolājooltījīk padatēgāwenook' wēdūmedāādūm-
eedīch ! tūmk ootabīksīktāsooltinow', ak oowoostowwegoo-
sooltīnow', ak tokoo tīlesīp' nīkskamāwā' mūlgīgūnōde ookoo'-
koonūmūnow' oowōōjetūladakadīlīn' Wējeoolenīkskamāwīk-
took tan dēpkadīk Nīkskam oonejīn' ootūladakadīlīnū.

Apch ankam' Sāsoo Goole! Cogooāāl nūt wēgēt laagūnūl
 oopūtūnk ak ookwōtk', ak ēpmēbegāch'? O tēlemool'kwīk
 oowoojīnpūn' ak āpch memājīt. Tēlemoolkwīk maldāoo moo
 koodadāsenooksūbūn ūloowāwoodeel moo keseabīksīktāse-
 noosok'; "Sāsoo Goole wējīnpūksūp oochīt' padatēgāwenook',
 tīlea' nēgūm kokwōjesābāwīp." Sāsoo Goole oomāldēm
 wējewōkūmaloolkw 'msit padaswōkūn īktook." "Msit kakei-
 keskājaadāsīk." Keel ēgeedūmūk oola" kēdlāmsūtūmūn tū?
 Uklāmsūtūmūn, wēstalooksīn.

